







Georg 868

Georgs-B.

1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18



Ein Christliche/  
vnd gründliche vn-  
terricht von Wider  
aufferstehung der  
Todten

Hugons Lterians/  
Welcher gelebt hat/vnd geschrie-  
ben im Jar. M. C. LX.

Verdeuscht zu Wittenberg/  
Im Jar M. D. XL.



9  
10  
11  
12

*[Faint, illegible text, likely bleed-through from the reverse side of the page]*



nan  
han  
der  
der  
gut  
ist d  
gen  
lesen  
mü  
lesen  
wid  
bra  
derr  
fech  
gen  
die d  
bun  
legen  
etzli  
sen /





Der Verdenischer / zum  
Leser.



**E**ist diese Franckfor-  
ter Messe ein Latinsch Büchlin  
durch den druck ausgegangen / vnd  
vor langen zeiten geschriben von  
ein seer gelerten Wahlen zur sel-  
ben zeit / Dugo Leterianus ge-  
nant / inn welchem sonderlich die zwey stücke / ge-  
handelt werden / Das eine von der vnsterblichkeit  
der Seelen / Das ander von widerauffstehung  
der todten / Vnd wiewol von dem ersten auch viel  
guts dings gesaget wird / sonderlich im anfang / so  
ist doch das ander verstendiger / vnd dentlicher  
gemacht / vnd dem gemeinen Man nütlicher zu  
lesen / Derhalben ich ein tag / oder zween / do ich  
müßig war / vnd vorhin das gantze büchle durch-  
lesen hett / bekommen hab / vnd diesen teil von der  
widerauffstehung der todten / inns denisch ge-  
bracht / nicht allein andern damit zudienen / son-  
dern auch mich zu stercken / wider die gemeine anz-  
sechtung aller welt / sonderlich der hochuerstendi-  
gen / vñ gelerten / vnd in mich zu bilden die sprüch /  
die dieser Man aus beiden Testamenten den aus-  
bund zusamen gezogen hat / vnd recht fein ausge-  
leget durch andere schrifft / vnd sunst auch durch  
etzliche beweisung / die aus der vernunfft her fließ-  
sen / wiewol gar wenig / jedoch nicht wenig zu der  
A u s a c h e



sache dienstlich. War ist es/ Man findet inn der  
Natur vnd vernunftt seine bilder/ vnd gedancken  
von der Widerauffstehung / wie auch von der  
Seelen vnsterblichkeit / vnd noch meer / aber ist mit  
beiden endlichen inn beiden stücken / wo es zum  
treffen gehet / verlorn / vnd kan nichts bestehen /  
denn was aus der heiligen schrift durch den glaus  
ben ergieffen / gefasset / vnd behalten wird / wie  
auch gemeiniglich alte / vnd newe Lerer / inn die  
sem vnd andern Artickeln des glaubens bekennen /  
Vnd ist damit gnugsam angezeigt in allen Christ  
lichen Kirchen / oder versamlungen / das man / die  
so in Christo entschlaffen sein (wie S. Paulus gar  
lieblich darnon redet / vnd wolt vns gern süs / vnd  
gelinde machen / das von der natur her / vmb der  
sünden willen / seer sauer / vnd bitter ist) züchtig / vñ  
eerlich / mit klingen / vnd singen begrebet / odder  
schlaffen leget / on das man durch böse gewonheit  
an viel orten / nur lateinisch singet / welchs der ge  
meine Man nicht verstehet / vnd also / die mit zum  
Begrebnis gehn / von der Widerauffstehung  
nichts geleret / oder erinnert werden / wie denn Di  
onysius / vnter andern / viel schöner Christlichẽ Ce  
remonien / die auch / welche die furnemiste ist / er  
zelet / das man bey dem grabe / zu seiner zeit / vor /  
ehẽ man die Leich inn die erden gesetzt hab / seine  
tröstliche spruch / aus der heiligen schrift hab erze  
let von vnser widerauffstehung / welchs fast  
wie ein predigt ist gewesen von der widerauffsteh  
ung der todten / Lasse mir sagen / es sey noch der  
brauch an viel örtern bey den Deudschen / nicht  
seer

seer  
vnd  
grel  
ne d  
Wo  
de m  
es is  
nöti  
pred  
ten /  
er so  
an  
treff  
auch  
lieb /  
vnd  
todte  
vor j  
geler  
gen /  
dern  
vnd  
sch



seer weit von vns / bas nein gegen mitternacht/  
vnd auch in Dennemarck / das man bey dem Bes  
grebnis das volet dauon vnterrichte / vnd verma  
ne die ihm tieff einzubilden / vnd veste zu glauben/  
Wolte Gott / es were der brauch vberal / vnd wür  
de nur mit allem vleis behalten / vñ getrieben. Denn  
es ist nicht allein seer nützlich / sondern auch schier  
nötig / sonderlich dieweil man selten besondere  
predig thut / von der Widerauffstehung der tod  
ten / vnd doch soniel an dem artickel gelegen / vnd  
er so schwer zu glauben ist / zu solcher zeit / vñ eben  
an dem rechten ort / kurtzlich etwas gutes / vnd  
krefftigs darnon zusagen. Darumb sollen wir  
auch vns alle diese / vnd dergleichen schriften seer  
lieb / vnd werd lassen sein / darinne wir also vleissig /  
vnd ordentlich von der Widerauffstehung der  
todten / das ist / von ein ding / das der vernunft  
vor. jr selbs zuglauben / sonderlich vnmöglich ist /  
geleret werden / vnd den grund zuuorn vheste le  
gen / das Gott nicht liegen / oder triegen künde / son  
dern warhafftig / trew / gewis / vnd besiendig sey /  
vnd aus dieses befelch / die Bücher der heiligen  
schrift gemacht / vnd bisher wider alle Teuf  
fel vnd Secten blieben / vnd bestanden  
sein. Darzu helffe / vnd erhalte vns  
darbey der allmechtige Vater /  
durch Ihesum Christ  
vnsern Herrn /  
Amen.

A iij Gründliche



Gründliche vnterrichtung von  
Widerauffstehung der Todten Du-  
gons Eterians an die Prie-  
sterschafft zu Pisa.



**D** Erhalten vntergebe die  
Kotte der Saduceer / die da sag-  
ten / es würden die leibe nicht wi-  
derauffstehen / welchen vnser  
Welland vnd Meister Christus/  
ein solch antwort hat geben / Ir  
irret euch / vnd wisset die schrift / vnd die krafft  
Gottes nicht / Dabt jr nicht von der Widerauff-  
erstehung gelesen / das von Gott gesagt ist zu euch/  
Ich bin ein Gott Abraham / vnd ein Gott Isaac/  
vnd ein Gott Jacob / Gott ist nicht der Todten  
Gott / sondern der Lebendigen? Die leret er one  
zweifel / das die widerauffstehung der leibe war-  
hafftiglich werde geschehen / aber nicht wie die  
Saduceer meinten / denn sie hieltens daffur / es  
soltten widerumb angerichtet werden nach der wi-  
derauffstehung höchzeit / ehepflicht / vnd kind-  
er geben / vnd die leute würden wider sterben/  
Daher wird in gesagt / Ir irret euch / vnd verstehet  
die schrift nicht / verstündet jr die schrift / so wü-  
stet jr auch das Gott nicht ein Gott der Todten/  
sonder ein Gott der Lebendigen ist / Vnd wen euch  
die krafft Gottes so bekant were / onzweifel gien-  
tet jr / das Gott alle ding möglich sein / vnd das er  
die menschen würde nach der widerauffstehung  
den

den  
Abra  
nicht  
er/di  
die an  
weg  
sonde  
ham/  
jnn d  
gleich  
dieses  
dieses  
Es v  
auffg  
licher  
stehet  
lich/v  
sen ist  
zun J  
sein v  
schlaf  
sagen  
O der  
stanb  
nicht  
Zwei  
werck  
dig/e  
nicht  
kördle  
nicht



den Engeln gleich machen. Ich bin (sagt er)  
Abrahams Gott / Isaacs vnd Jacobs / Gott ist  
nicht der todten / vñ deren / die nicht sein / Deren ist  
er / die da sein / vnd bleiben. Were Abraham / vnd  
die andern zu nicht worden / würde Gott inn keine  
weg gesagt haben / Ich bin Abrahams Gott /  
sondern / ich bins gewesen. Denn wiewol Abra-  
ham / vnd die andern gestorben sein / leben sie doch  
inn der hoffnung der Widerauffstehung. Des  
gleichen saget Paulus / nach des Meisters weise /  
dieses verstorlichs mus vnuerstörlich werden / vnd  
dieses sterblichs / vnsterblich / Vnd widerumb /  
Es wird geseet inn verstorung / vnd wird wider  
auffgehen inn vnuerstörung / Es wird ein fleisch-  
licher leib gesehet / nemlich grob / vnd verenderlich /  
stehet widerauff ein geistlicher leib / vnnerend-  
lich / vnd subtil / wie des Herrn Heilands gewe-  
sen ist nach der widerauffstehung / welcher auch  
zun Jüngern ist hinein gangen / so / das die thür  
sein verschlossen blieben / nicht speis notdürfftig /  
schlaffs / oder dergleichen. Es möcht aber jmand  
sagen / Wie werden die todten widerauffstehen?  
O der vnweisheit / O des Vnglaubens / Der den  
staub hat seins gefallens zum leib verändert / sol der  
nicht die zerstreueten gepain vereinigen können?  
Zweifilstu aber noch / so lasse dir das dein eigen  
werck einbilden / Was du seest / wird nicht leben-  
dig / es sterbe den zunor / vnd wenn du seest / seest du  
nicht den leib / der werden sol / sondern ein blosses  
körnlein / als Weitzen / oder dergleichen. Du seest  
nicht ein krant / stupeln / oder hülßen / der vielfaltig  
am



am halm sein die kornlin zubecken / mit welch-  
en dennoch der samen auffgehet. Gott aber gibt  
dem kornlin den leib / mit dem halm / vnd ehern /  
nach seinem willen. Derhalben wie der samen  
bekleidet auffgehet mit viel zunemung / vnd zierde /  
so kan der Todte leben / durch Gottes krafft / vnd  
widerauffstehen mit verkletem leibe. Gott gibt  
einem itzlichen samen seinen eignen leib / den er von  
natur haben sol. Er gibt nicht allen kornlin einen  
leib / sondern ein itzlichen den seinen / dem weitzens  
kornlin / des weitzens leib / dem gersten kornlin / der  
gersten. Darumb betrachte / das inn dem auff-  
gerisnen felde / gleichsam inn den grebern / die  
kornlin verscharrtet werden / Wer thut die wurzel  
drein / wer gibt die bletter / vñ ehern: Thut es nicht /  
der alle ding macht / vnd schafft: Derhalben  
globe auch / das also die Widerauffstehung der  
Todten geschehen werde. Weiter spricht der  
Apostel / Denn glauben wir / das Jesus gestor-  
ben sey / vnd widerumb auffstanden / so wird  
Gott die / so entschlaffen sein durch Jesum / herzu  
bringen mit im / Christus ist ja auffstanden von  
den todten / die erstlinge der schlaffenden / das wir  
glauben / er werde vns mit der gewalt / vnd krafft /  
mit welcher er auffstanden ist / am jüngsten tage  
erwecken / Denn Christi widerauffstehung ist  
ein handschrift der gemeinen aller widerauffste-  
hung. Wenn der todten widerauffstehung  
nicht würde geschehen / so were Christus auch  
nicht widerauffstanden / Denn er ist darumb  
widerauffstanden / das er die erstlinge / deren die  
schlaffen

schlaffen  
wid  
vmb  
Chr  
den  
men  
hat  
lerte  
war  
nich  
raub  
dis a  
entsc  
sterb  
Chri  
Chri  
er alle  
itzlich  
hen.  
stum  
haben  
tag zu  
von  
des G  
welch  
stehen  
werde  
keit in  
Die C  
der er  
wie v



schlafen/gefunden würde. Were Christus nicht  
widerauffestanden/ so were der Aposteln predigt  
vmb sunst/vmb sunst were auch vnser glaube. Ist  
Christus nicht widerauffestanden / wie haben  
denn die Aposteln zeichen gethan inn seinem na-  
men? Vnd haben sie nicht zeichen gethan/wie  
hat das Weidnische volck den fischern/vnd vngel-  
erten geglaubet? Dat nu Christus / do er tod  
war/sich nicht können erwecken / so hat er auch  
nicht der Welt sünde getragen/noch die Delle be-  
raubet/noch den tod verstorret / noch das Para-  
dis auffgethan/vnd sein also alle/die inn Christo  
entschlafen sein/vmbkomen. Wie inn Adam alle  
sterben/so werden alle widerlebendig werden inn  
Christo. Alle werden widerauffestehen durch  
Christi widerauffestehung / vmb des willen/das  
er allein ist one sünd erfunden worden. Aber ein  
itzlicher wird inn seiner ordenung widerauffeste-  
hen. Christus ist die Erstling/darnach die Chris-  
stum angehören/die inn seine Zukunfft geglaubet  
haben. Die gleubigen werden zwar im selbigen  
tag zum ersten widerauffestehen/wenn Christus  
von Himel wird herab steigen zum gericht inn  
des Erzengels stimme/vnd Bosune Gottes/vnd  
welche do werden inn verdienst der gerechtigkeit  
stehen / die werden schnels vbersich genomen  
werden/erhaben durch die güte der barmhertzig-  
keit inn die wolcken / Christo entgegen in die lufft/  
Die Gottlosen aber /vnd die sunder werden auff  
der erden des Richters warten / wie schuldige /  
wie verdampfte/wie dem hellischen feuer zugeei-  
B gete.



gete. Er wird inn der Bosune / vnd des Litzengeis  
stimme herab steigen / Darumb / das er wird die  
gestreueten zu puluer / durch den gantzen erdpoden  
zusamen foddern / wie die kriegsleute zum kriege /  
vnd wird sie laden zum feste der ewigen ehre / Vñ  
die auch / die dazumal noch lebendig sein / wird er  
eilends verwandeln zum tode / vnd wider zum les-  
ben. Die Griechen aber meinen / die / so dan leben-  
dig funden werden / sollen nicht sterben / sondern  
allein verwandelt werden aus der sterblichkeit inn  
die vnsterblichkeit / welchs sie bekrefftigen mit dem  
zeugnis der Epistel Pauli zun Corinthern / welche  
spricht / Wir werden wol alle wideraufferstehen /  
aber nicht alle entschlaffen / das ist / sterben. Im  
latein stehet / wir werden nicht alle verwandelt  
werden / Welchs Ambrosius ausleget / zur ehre /  
nemlich der seligkeit. Derhalben darff man nicht  
warten auff der seelen wideraufferstehung / sonder  
der leibe / inn welchen ihene gewonet haben. Vnd  
zwar ist der todt nichts anderst / denn ein absonde-  
rung der seelen vom leibe / so wird die widerauffe-  
stehung aller ding beider zusamen fügung sein /  
vnd des auffgeleseten / vnd mancher weis zurisnen  
wideranrichtung. Darumb wird er den leib / der  
gestrewet / vnd zertrennet war / inn ein augenblick  
wider banen.

Man die todten nicht wideraufferstehen sol-  
ten / so were das vihe weit besser / denn wir / die weil  
es lebet one traurigkeit / vnd andere schweres anli-  
gen / hoffet man vmb sunst auff die vnsterblichkeit /  
so ist es nichts mit Gottes fürsichtigkeit inn des  
menschen /

men  
sich  
nicht  
los /  
welti  
nunff  
herko  
tigkei  
sein d  
eim it  
haben  
Derr  
welch  
inn di  
lusten  
rodes  
fur ei  
wan n  
ben w  
es sey  
werde  
in den  
stritten  
oder m  
auffei  
rung v  
be /  
natur  
so herr  
werde  
folgen



menschen/vnd anderer ding sachen / er nimmet  
sich deren nichts an/regieret sie nicht/Sehen wir  
nicht viel gerechter dürfftig/not gedrengt/trost  
los/Sünder aber /vnd vngerechte /reich /ge  
weltig/voller wollust: Welcher aber /der bey ver  
nunfft ist/kan sich lassen gedüncken/das dieses nit  
herkome aus gerechtem gericht/vñ weiser fürsich  
tigkeit? Darumb mus ein widderauferstehung  
sein der todten/Denn Gott ist gerecht/vnd wird  
ein itzlichen belohnen/wie er verdienet hat. Was  
haben Johannes der Teufer/vnd Jacobus des  
Herrn Bruder(das ich der andern geschweige/  
welcher tugent seer gros ist gewesen) für gute tag  
inn dieser Welt gehabt? Mit wie grossen wol  
lusten sein der schalck Nero/vnd der ertzbuß Ne  
rodes vberschwemmet gewesen? Was solt das  
für ein gerechtigkeit Gottes geachtet werden/  
wan nicht zimlicher lohn diesen/vnd jenen gege  
ben würde? Gegeben aber kan es nicht werden/  
es sey denn/das der seele der leib wider gegeben  
werde/ Warlich es ist billich/das die seelen/die  
in den leiben/nach der tugent / oder vntugent ge  
stritten haben/kronen entpfahen inn den leiben/  
oder marter. Ober das ist von nöten/das man  
auffein ende solcher nachkomung/vnd verande  
rung warte/vnd gibet nicht allein das der glau  
be/ Denn es wird nicht allezeit des menschen  
natur aus/vnd ein vliessen/so/das sie durch das/  
so hernach komet/weiter/vnd weiter gebracht  
werde/schnureben vntersich hin /vnd das nach  
folgen der kinder kein ende gewinn. Denn die

B ij gantze

Das ist ewige  
lich einer nach  
dem andern ge  
born werden/  
vnd wider vers  
gehen/der ges  
meinen igiten



weis nach. Vñ  
ist solchs wider  
Aristotelem ge  
redet / vnd mit  
natürlichen fet  
ten vrsachen be  
wissen / welcher  
leret / es sey dar  
in die erstre  
ckung der mens  
chen ewig / die  
weil einerley  
menschen nicht  
ewig leben kün  
den / schwachheit  
der natur hal  
ben / vnd doch  
die menschen  
ewig sein solle.  
Secundū speci  
em hoīes aeter  
nos esse / cum  
non possent esse  
aetheri secun  
dum indiui  
dua.

gantze natur der himlischen ding / welche ewig  
sein / bestehet inn eigener volkomenheit / vnd der  
menschen natur ist gleich der himlischen ding na  
tur. Darumb reimet es sich auch / das sie ein mal  
abstehe von der erstreckung / vnd erlange ihr ende.  
Bleibe sie allzeit inn der erstreckung / so hette sie al  
lezit ein mangel / keme zu keiner ruhe / krieget kein  
volkomenheit / welche ding in der natur seer hoch  
geachtet werden. Weiter / solte die zal der seelen  
durch die schöpffung immerdar gemeret werden /  
so würde solcher schepffung nimmermehr kein  
endliche zal werden. Ist nun kein endliche zal /  
so weis Gott nicht / wiewiel er seelen schaffen wer  
de / Aber solches halten ist ein öffentlicher greuel.  
Derhalben so wird des menschen leben die vol  
komenheit erreichen / vnd wird von wurtzel auff  
bestehen. Dieser furschub der natur geschicht  
durch die Wideraufferstehung der leichnam.  
Wenn aber nu die natur / wie von nöten / jr letztes  
ende ergriffen hat / so wird dieses leben ein ander  
gestalt gewinnen / abgesundert von dem leben /  
das im werden / vnd vergehen stehet / Vnd wen  
das werden auffhöret / so wird auch nicht mehr  
sein / das auffgelöset werd / Denn wo eins wird /  
da vergehet ein anders. Derhalben wird einmal  
die zale der seelen nicht mehr zunemen durch die  
schöpffung / vnd wird gar / vnd gantz auffhören  
das vntergehen / vñ wird folgen ein erwünschte  
seligkeit eins lebens / das nicht auffgelöset / vñ ge  
endert mag werden. Ober das redet der Pro  
phet Ezechiel von der wideraufferstehung der  
todten /

tod  
we  
nen  
ihr  
fleisch  
vnd  
vnd  
Pro  
gen  
dest  
dem  
werd  
gesse  
den v  
wild  
men  
der se  
veran  
auff  
mach  
feln  
men  
gefal  
die fi  
von v  
dern  
ein h  
wür  
auffe  
zetren  
zusam



1119  
1120

totden/vnd spricht/ Ihr dürre gepein höret das  
wort Gottes / das saget der Herr zu diesen pei-  
nen/ Sehet/ ich wil inn euch ein geist senden/ vnd  
ihr sollet leben / vnd wil machen/ das vber euch  
fleisch wechset/ vnd wil vber euch ein haut ziehen/  
vnd wil euch ein geist geben/ vnd jr werdet leben/  
vnd wissen das ich der Herr bin. Siehe der  
Prophet verkündiget hie öffentlich / die künfftig-  
en widerauffstehung der Leibe. Aber du kün-  
dest sagen / Einer kompt vmb/ da mitten auff  
dem Meere/ vnd ein menge fisch frisset in/ die fisch  
werden gefangen / vnd von den menschen auff-  
gessen/ die aber/ von welchen sie gessen sein/ wer-  
den villeicht von den wilden thieren zurißten/ die  
wilden thiere von den jegern gefangen / vnd von  
menschen verzeret/ Lieber wie kan doch dieser/  
der so viel thiere generet hat/ durch so mancherley  
veränderung/ wider in jhenem schrecklichen Tag  
auffstehen? Warumb sagestu das mensch/ vnd  
machest narren teiding/ vnd setzest das mit zweis-  
feln? Wer ist's / der den staub von der erden zusa-  
men lieset? Sag an/ wie wenn er nicht inns Meer  
gefallen were/ noch von fischen gefressen / noch  
die fisch von andern fischen / vnd diese darnach  
von vnzelichen menschen/ vnd so weiter hin/ son-  
dern würde nach allem gethanem seelgerecht inn  
ein herrlich grab gelegt/ vnd schadeten jm weder  
würm/ noch ichtes anders/ wie wird das wider  
auffstehen/ das also gantzlich/ vn gewaltiglich  
zetrennet ist? wie wird sich die aschen/ vnd stabe  
zusamen wider lesen? wo her wird dem leichnam

B ij die



die ander krafft/ vnd gestalt komen? Furwar die  
widerauffstehung beider leichnam/ dieses/ der  
so offft gefressen ist/ vnd jenes/ der kein solche ver-  
anderung gehabt hat/ ist gleich schwer. Was  
wunderstu dich/ was zweifelstu an der wider-  
auffstehung? Weistu nicht/ das alles leiblich  
leben wird aus verstorung? freilich alles. Aller  
samen wird auff die gemelte weis ins leben erha-  
ben. Sibestu nicht/ wie der Feigenbaum so ein  
grossen stamm hat/ wieviel este/ wieviel bletter/  
wieviel wurtzeln inn die tiefe gehefftet? Dieser/  
der so gros gesehen wird/ ist wie von ein hirs-  
kornlin/ vnd welches vorhin verfaulet ist/ auff-  
gangen. Den es sey den sach/ es verfaule vorhin/  
vnd werde von einander gelöset/ so folget deren  
keins. Ein weinrebe auch/ die so schöne ist/ vnd  
breit sein gewechs so weit aus/ vnd ist lästig an-  
zusehen/ wechset aus ein geringen kornlin/ welchs  
nicht allein inn holtz/ vnd bletter/ sonder auch in  
wein/ vnd kemme verwandelt wird. Zeige an/  
wer da kan/ auff was weise dis kleines in so groß  
se/ vnd mancherley ding verandert werd/ Aber  
da ist vngeantwort. Betrachte des menschen  
samen/ der dir neher ist/ wie wird er/ nach dem er  
entpfangen ist/ inn augen verwandelt/ wie inn  
oren/ wie inn hende/ wie inn hertz/ wie wird er so  
durch mancherley bezeichnet/ vnd zusammen gefü-  
get? Sein nicht im leibe vnzeliche vnterscheid  
der gestalten/ der grössen/ der geschicklichkeiten/  
stellungen/ krefften/ vñ ordnungen/ auch manch-  
erley glieder/ senadern/ blutadern/ fleisch/ puls-  
adern/

adern/  
betra  
weni  
jens/  
ist/ v  
zusam  
vnd 3  
Wo k  
stu/ 3  
sibest  
gesch  
weg/  
der/ s  
wider  
Das  
dern c  
sibet e  
nunff  
dern g  
sollen  
einred  
vnd a  
baum  
der m  
Gott  
schich  
krafft.  
das d  
mens  
des D  
solche



adern/gliedlein/vnd andere viel/welche die artzt  
betrachten / die vnser natur machen aus einem  
wenig samen? Dünckt dich nicht viel mehr/dan  
jens/in zweifel zusetzen sein/wie das/das fencht  
ist/vnd weich/zu pein/welchs hart/vnd kalt ist/  
zusamen getrieben werde/wie es zu fleisch werde/  
vnd zur senader/welche weichlich/vnd kalt ist?  
Wo her geschicht das alles? Rede es aus/Kan  
stu/Zweifelstu nichts inn solchen dingen? Du  
sibest teglich die wideraufferstehung/vn den Tod  
gescheen inn den altern. Wie gehet die jugent hin  
weg/wo her kompt das alter/wie gehets zu/das  
der/so alt worden ist/nicht machen kan/das er  
wider junge? Erzeuget wolein jungs kindlein/  
Daser ime nicht kan geben/das gibet er ein an  
dern on mühe. Das sibet man an beumen/man  
sibet es an thieren/Wiewol er menschlicher ver  
nunfft nach/vor selbs haben solt/das er ein an  
dern gibet/ Aber wo Gott werckmeister ist/da  
sollen auffhören alle menschen gedanken/vnd  
einreden. Derhalben/dieweil alle menschen sin/  
vnd witz an der Weinreben/vnd an dem feigen  
baum zu narren werden/was vnterstehestu dich  
der mühe/zu reden von den wercken/die allein  
Gott zugehören? Aber du sagest/das/so ge  
schicht/ist nicht des körnlins/sonder der erden  
krafft. Ja/das du die warheit besser bekennest/  
das da geschicht/ist nicht der erden/noch des sa  
mens krafft/sondern des samens/vnd Erdreichs  
des Derrn. Derhalben hat er geschafft/das  
solche ding mit samen/vnd on samen auffgehen.

Das ist/Got  
tes wort  
mit  
befelchs.

Vnd



Vnd an dem einen hat er Krafft/ vnd macht bewi-  
sen/ do er hat gesagt/ Die Erde bringe herfür  
grünend Krenticht/ An dem andern/ nach bewi-  
ser macht/ weist er vns zur arbeit/ vnd liebe zum  
ackerbau.

Dieses ist gesagt/ das wir an der widerauff-  
erstehung vnser leichnam gar nichts zweifeln sol-  
len. Denn es werden vnser leibe widerumb zu-  
gerichtet werden/ nicht allein aus der erden/ son-  
dern auch aus der andern Elementen heimlich-  
sten winckeln / inn welche die zerstreueten todte  
leichnam gefaren sein/ mit dem bescheid/ das sie  
inn einem augenblick wider kernen / wider gantz  
gemacht würden. Das ist / das der Herr im  
Euangelio redet/ Die werden hören/ spricht er/  
die in grebern sein/ die stimme des Sone Gottes/  
vnd werden herfür gehen/ die gutes gethan ha-  
ben/ zur wideraufferstehung des lebens/ die aber  
böses gethan haben/ zur wideraufferstehung des  
gerichtes. Den Lazarum / vnd andere hat er  
auch darumb aufferwecket / das er diese wider-  
aufferstehung/ nach welcher kein tod komet/ be-  
wiese. Denn welches ist leichter/ etwas aus  
nichts machen/ oder das von einander gelöst ist/  
widerauffwecken. Die Ninuiter / sagt Chri-  
stus / werden wideraufferstehen im gericht mit  
dieser Welt/ vnd werden sie verurteilen. Vnd E-  
saias spricht/ Die todten werden widerauffste-  
hen / vnd die inn grebern waren/ werden wider-  
auffstehen/ durch das wort/ das ins fleisch ist ko-  
men / den Son des menschen. Er wird ja er-  
wecken

wecken  
wan zu  
den in d  
der gesta  
sen gehe  
den/ vnd  
für im h  
Matthe  
zeichen d

Vn  
allein wi  
mit im d  
Aposteln  
zweiffstü  
ten / volt  
haben/ v  
werden g  
verklert  
lich scheit  
dig. Da  
gefengnis  
sechs Mo  
zubetrieb  
wider gel  
heit/ vnd  
liche geric  
sehen / sa  
vnd sie w  
von den v  
werden a



wecken die leibe jnn einer menschlichen gestalt /  
wan zuorn das Euangelium gepredigt ist wor-  
den in der gantzen welt / vñ wird erscheinen eben in  
der gestalt / allen im Gericht / vnd wird ein stim las-  
sen gehen / durch welche die todten auffstehē wer-  
den / vnd herfur komen / Auch werden die Engel  
fur im her tragen das zeichen des Creutzes / wie  
Mattheus spricht / dan wird gesehen werden das  
zeichen des menschen SONS.

Vnd ist das zu mercken / das Christus nicht  
allein wird richten / sondern die Weiligen werden  
mit im die geschlechte richten. Denn er hat seinen  
Aposteln gesagt / Ir werdet auch sitzen auff den  
zwelfstulen / das ist / jr werdet jnn deren / die rich-  
ten / vollkomenheit sein / nemlich die alles verlassen  
haben / vnd sein Christo nachgefolget / Als dan  
werden gute / vnd böse Christi menschen gestalt  
verklaret sehen / aber den Gottlosen wird sie schreck-  
lich scheinen / den gerechten aber sanffte / vnd gnez-  
dig. Dan wird der grosse Satan / der von seinem  
gefengnis heraus war gangen / auff drey jar / vnd  
sechs Monat / die geschlechte zuuorfüren / die traffe  
zubetriegē / vnd schaden zu thun / verliern / vnd  
wider gebunden werden jnn den hüten seiner bos-  
heit / vnd angst. Die ordnung aber dieses schreck-  
lichē gerichtes zeigt vns das Euangeliō. Er wird  
sehen / sagt es / seine Engeln mit einer bosannen /  
vnd sie werden zusammen bringen die auferwelten  
von den vier winden. Vnd wider. Die Engeln  
werden ausgehen / vnd werden sündern die bösen  
C                    mitten

bewi-  
herfur  
bewis-  
be zum

derauff  
eln sol-  
mb zu  
en / son-  
imlich  
en todtē  
/ das sie  
r gantz  
Derr im  
cht er /  
ottes /  
an ha-  
die aber  
ang des  
e hat er  
wider-  
net / be-  
as aus  
öset ist /  
t Chri-  
cht mit  
Vnd Es  
auffste-  
n wider  
h ist ko-  
rd ja er-  
wecken



mitten aus den gerechten/vnd werden sie inn ofen  
werfen. Vnd aber ein mal /Er wird seine Engeln  
senden/die werden von seinem Reich alle ergernis  
samlen / vnd werden die vngerechten inns feuer  
werffen. Wenn aber der Herr wird komen/so  
wird fur im her gehen ein feuriger stram mit viel  
vngestümigkeit/wie ein Meer vol wind / vnd er  
bitzet/dadurch die Welt brennen wird / vnd Die  
mel /vnd erdreich werden vntergehen / nicht nach  
dem wesen/sondern nach der gestaltis. Denn  
wird auch Meer /vnd hohe lufft / von einander ge  
löset werden / Die Stern werden fallen / die Son  
ne /vnd Mond werden finster werden / der Dimel  
wird wie ein brieff vberinander gewickelt werden.  
Jedoch / wie etzliche Heiligen sagen / wird das  
feuer so hoch vbersich steigen / wie hoch die was  
ser inn der Sündflut vbersich gestiegen sein. Aber  
dieses feuer wird die bösen / die da werden gefun  
den werden / verzeren / Den fromen wird es keinen  
schaden thun.

### Chrysostronus von dem künfftigen Leben.

Derhalben welcher bekennet / das nichts sey  
nach diesem leben / der mus auch bekennen / das  
Gott nicht sey. Siehestu / welchs ich gesaget hab /  
das der losen leute folgende lere nach der ersten  
allezeit also gethan ist / das sie darin gefangen wer  
den. Denn ist Gott / so ist er gerecht / Ist er gerecht /  
so tale

so tale  
ist.  
wird  
Mere  
selbs  
ehren  
gepla  
ben i  
recht  
ben /  
glück  
hen /  
vonn  
itzlich  
solche  
möch  
Entp  
deiner  
Gott  
Aber  
die v  
teslest  
Gott  
Derha  
so gibe  
nu ein  
dieser  
wird e  
das / d



so theilte er einem itzlichen mit / nach dem er würdig  
ist. Ist nu mit vns aus nach diesem leben / wo  
wird ein itzlicher empfangen / das er würdig ist.  
Mercke doch auff. Viel leute / wie sie selbs von in  
selbs bekennet haben / sein inn gutem glück / vnd  
ehren / anderst / denn sie wert sein / Andere werden  
geplaget / die inn der gerechtigkeit leben. Derhal-  
ben ist keine zeit hernach mehr / so werden die ge-  
rechten mit dem / das sie vnrecht empfangen ha-  
ben / vnd die vnrechten wider ihren verdienst mit  
glück daruon gehen. Wird aber dis nicht gesche-  
hen / wie künfte sein / das recht ist? Derhalben ist  
von nöden / das hernachmals eine zeit sey / die einem  
itzlichen / wie er wert ist / mittheile / dieweil wir hie  
solches nicht finden. Ist aber die zeit nicht / wie  
möcht ein itzlicher empfangen / das er wert ist?  
Entpfehet denn keiner / das er wert ist / so ist nach  
deiner meinung / auch Gott nicht gerecht. Ist nu  
Gott nicht gerecht / so kan Gott auch nicht sein.  
Aber die Gottslesterung kome vber deren köpff /  
die vns zu solchem dringen. Sehet / zu was Got-  
teslesterung diese rede geraten sey. Das aber  
Gott sey / bezeugen die Creaturn mit lauter stim.  
Derhalben ist er auch gerecht. Ist er aber gerecht /  
so gibet er ein itzlichen / wie er wert ist. Gibet er  
nu ein itzlichen wie er wert ist / so mus ein zeit nach  
dieser sein / inn welcher ein itzlicher / wie er wert ist  
wird empfangen / vnd bezalen / vnd den lohn für  
das / das von im wolgethan ist / bekommen.

Cij So

Des gerecht  
sein / vñ Got  
sein / ist ein  
ding inn der  
Gottheit.

ie inn offen  
ne Engeln  
le ergernis  
nns sewer  
komen / so  
n mit viel  
/ vnd er  
/ vnd Dis  
nicht nach  
s. Denn  
inander ge-  
die Sonn  
der Dimel  
lt werden.  
wird das  
die was  
ein. Aber  
den gefun-  
es keinen

m

nichts sey  
nen / das  
aget hab /  
der ersten  
ngen wer  
r gerecht /  
so folg



## So auch Lactantius.

Denn es leret die Göttliche schrift / das die  
seelen nicht werden vertilget werden / sondern ent-  
weders lohn empfangen für die gerechtigkeit / od-  
der ewige straff für die laster. Denn es zimet sich  
nicht / das der / so inn lastern glücklich gelebet hat /  
dem entgehe / das er verdienet hat / Oder / der / so  
vmb der gerechtigkeit willen ist inn allem jamer ge-  
setzet / seiner belohnung beraubet werde.

**Prosper** / Nach erzehlung etzlicher sprüche aus  
der heiligen schrift / vnter welchen auch der Apo-  
caly. 20. ist / das Meer hat geben die todten / die es  
bey sich hat / vnd der Todt / vnd Delle haben ihre  
todten geben / schreibet flux drauff / Die dringet  
sich ein frag ein auffzulösen / welche durch der vn-  
weisen / vnd Weiden mund wird ausgesprochen /  
wie die widderauffstehen / welcher verstorbene  
leichnam die wilden thier gefressen haben / vnd  
diese von andern wilden thieren / vogeln / vnd hun-  
den verzeret sein / welche nicht wissen / das alle  
ding / so aus der erden geschaffen sein / wider inn  
eine materi / wenn sie werden auffgelöset / komen /  
vnd das es der macht des Schöpfers leichte sey  
widerumb daraus machen das vorhin war / wel-  
cher vnter andern erstlich den menschen / der nicht  
war / daraus gemacht hat. Beweget aber je-  
mands / das die Gottlosen im gericht nicht auffere-  
stehen / der solle wissen / das sie nicht zum gericht /  
sondern



sondern zur straffe widerauffersichen/nach diesem  
spruch des Derrn/ Wer nicht gienbet/  
der ist schon gerichte.



Gedruckt zu Wit-  
temberg durch  
Georgen  
Lham.

D. M. XL.

Das die  
ern entz  
eit/ods  
met sich  
bet hat/  
/der/so  
mer ges

iche aus  
er Apoc  
n/die es  
ben ihre  
e dringet  
der vn  
rochen/  
storbene  
en/ vnd  
nd huns  
das alle  
ider inn  
komen/  
ichte sey  
ar/wel  
der nicht  
aber jez  
t auffers  
gericht/  
sondern



12  
13  
14

in dem Jahr...  
...  
...

...  
...

...


...

...

...










10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100























Ordnung  
K. G. Sachs.









14.  
Lin Christliche/  
vnd gründliche vn-  
terrucht von Wider  
aufferstehung der

Hug  
Welche  
ben

Derde  
3/

